

Papiamento den Bon Dia

Ernesto E. Rosenstand



PENSAMENTO DI UN PENSAMENTO

Nos pensamento pa awe ta uno di L. Th Lehman.
Lehman ta un arkeologo y poeta Hulandes.

EL a yega di bisa:

HENDE TA UN BLACHI, TUR BIENTO TA HUNGA CU NE.

Un pensamento un tiki cortico.

Un poCo poetico.

Ma cla.

E ta berdad tambe.

Den bida nos ta ser manda di un banda pa otro.

Bientonan den bida ta t

rata nos manera blachi.

Tin biaha nos no por bai contra e bientonan ei.

HENDE TA UN BLACHI , TUR BIENTO TA HUNGA CU NE.

EXPRESIONAN

Den tur idioma nos tin expresionnan.

Esakinan ta mara na e cultura di e pueblo.

Nos lo trece pa boso algun di nos expresionnan.

Nos expresion pa awe ta:

BAILA UN HENDE

E ta nifica:

TUMA UN HENDE HACI SOKETE

UNDA E FALTA...

BAN USA CORECTAMENTE NOS IDIOMA.

Den e frase aki tin un falta.

ESEI TABATA CORRECTO.

UNDA E FALTA TA?

E falta ta cometi contra ortografia.

Papiamento no conoce dobbel RR.

E frase corecto lo mester a bira:

ESEI TABATA CORECTO.

Ban pone mas atencion riba uso di nos idioma.

USO INTERESANTE

USO INTERESANTE

Ata un di nan aki:

DEN UN PAGA

Loke kier men

PAGA HENTER E SUMA DI PLACA

SINONIMONAN

Den tur idioma tin palabranan cu e mes nificacion.

Nan ta sinonimo di otro.

Purba usa mas tanto sinonimo posibel.

Esei ta enrikece nos Idioma.

Nos palabra pa awe ta

SELADO - DUANERO